

重订二课合解

卷四五六七

福建莆田广化寺佛经流通处印

○大忏悔文大文分四——

初赞礼诸佛身心功德

二皈依三宝发大乘心六

三忏悔过愆陈所作善二

四普发大愿回向佛果八

初忏悔罪陈善二

二以颂结上

初发露忏悔

二清证陈善

初皈依同体三宝

二皈依别相三宝

三普为众生发愿

四皈依无尽三宝

五称扬诸佛十号

六正礼八十九佛三

初五十三佛

二三十五佛

三弥陀结归

二课合解 卷四 大忏悔 总科

初礼敬诸佛

二称赞如来

三广修供养

四忏悔业障

五随喜功德

六请转法轮

七请佛住世

八普皆回向

二課合解卷第四

天台山觀月子興慈 述

禮佛大忏悔文解

全文原作一百八礼、故曰礼佛大忏悔文、一百八礼图、见下七纸、

性本真空、纤毫无染、只因一念妄动、遂起十界业缘。是以心生则种种法生、法生复种种心生。其心不起则已。起则有业。故地藏经云、举心动念无非是罪。又云恶习结业、善习结果。况自有生以来念念不停、所结罪业重如大地。若非如法忏悔、讵能消除。故不动法师、依於圣翰、集诸圣号、睿撰忏悔语、巧撰愿文、为被后昆忏悔誓之箴规。所言大者、大乘忏悔法也。梵语忏悔摩、华言悔过、今言忏悔者、华梵兼举也。忏则忏除过去宿业、悔则不造未来新罪、所谓改往修来是也。又忏是白法、悔是黑法、谓白法当修、黑法当弃。又忏悔是白法、不忏悔是黑法、白法是净业、佛界智体也、黑法是染业、九界烦惑也。

盖一切众生皆由惑造业、由业招苦。惑即三惑烦恼、业即有漏无漏善恶诸业、苦即九界二种生死之苦果。由此惑业苦三、而生死永无休息矣。然忏悔有三。一作法忏。谓择地建壇、请戒德师、依律作法、自陈所造众罪毫不覆藏。当尔之时、眼观壇仪、耳听羯磨、心无餘缘、即有九作戒体表於心田。由此持则体增、犯则体坏、故忏悔后更莫造新、众罪遂可消灭。二取相忏。谓百里千里无戒德师、自於昼夜六时、以清淨三业、向佛菩萨像前、五体投地、如大山崩、毕露过罪、运心观想、三年五载、乃至一生、必期亲见光华瑞相、而诸众罪遂即消灭。三无生忏。谓业从念起、但观现前一念、不在内、不在外、不在中间、三处既空、罪福无主、所谓心亡罪亦亡、是名真忏悔。前二事忏、后一理忏。事则别忏身口七支之罪、属小乘。理则总忏意中三毒之罪、属大乘。而利根人三俱大乘、若以一心三智照一境三谛、谛理如如、智照历历。忏一罪则众罪圆忏、而众罪当体解脱、是为法性妙忏、

即最上上根忏法也。普贤观经云、若欲忏悔者、端坐念实相、众罪如霜露、慧日能消除、此之谓也。今复约六即以判浅深、若未见闻圣教、心性全迷、但曰理即、不名忏悔。若见闻圣教、了知众罪造亦唯心、忏亦唯心、曰名字即忏悔。见闻而持、诚心观照、殷勤求忏、曰观行即忏悔。破见思惑、曰相似即忏悔。分破无明、分证法性、曰分证即忏悔。无明破尽、法身圆显、如晴空澈洁、浩月圆净、曰究竟即忏悔。故天台大师云、上至等觉尚须忏悔是也。此六即中观行属事忏、以见思粗惑未断、真谛理性蒙昧故。相似属理忏。以见思已破、真谛理性明显故。又观行相似俱属事忏、以未破无明细惑、中道法性未开、当更勤修故。分证已去。方属理忏。以分破无明细惑、亲见中道法性、念念自得清静故。若证妙觉极果、则三惑尽净、二死永亡、长别无明父母、安住常寂光土、法性清静、智慧圆明、如中秋夜月、光无不圆故也。故教中所判、若未至分证为缘修、已至分证属真修。缘修、以智缘

境而修、理事未融故、其忏属事。真修、以智称理而修、理事相融故、其忏属理。嗟今缙流、才出戒坛、不拜不诵、俨然我是佛子、应受信施、反益贪瞋。赵州大师云、今生不了道、披毛带角还、观此岂不悚栗、故当勤求忏悔。又有儒者游览佛典、祇信佛理深邃、竟作一种博学资料、将经语润文著色、若言忏悔及小乘者、不以措意、或以为诞、专执於理、而昧於事、殊不知昧於事者、理亦不甚了了、始也由迷积迷、继也由罪积罪、心愈迷而罪愈深、罪愈深而迷愈积。谚云聪明反被聪明误、可为斯人咏矣。盖忏悔者、莫非忏过现所造之障、事障既除、理性即显、何儒者舍事执理、全不礼诵、终日在妄想窟里作活计、自谓得不生灭地可乎。上至等觉尚须忏悔、况凡夫哉、智者察之。

大 乘 三 忏

作法忏

法华、方等般

灭违戒罪、

若、各有事仪、

起三恶之

要制期限

业障报障、

取相忏

方等十二梦
王、菩萨戒见
光见花等、

起人道之
业障报障、

灭犯定罪、

无生忏

端坐念实相

业障报障、

起三界之

灭犯慧罪、

正

助

小 乘 三 忏

作法

经藏轻重俱许

忏、律不许重

、但许忏轻、

取相

阿含犯欲、作

牠口想即灭、


无生

析法空观

正

助

事是助忏 如洗加皂夹等



理是正忏 如洗纯用清水

小乘虽唯事忏、亦稍兼理、如取相忏中期见光华、必须心与圣真帝理似相应故。若大乘必圆修三
 忏、有最上根者、唯观无生、顿超圣地、此则随机利钝故也。又小乘虽唯忏七支罪、而三毒亦必
 兼忏、以先伏意业、而身口方能清静故。又取相忏、亦兼理者、依理起观故。要
 之三种忏法俱由理起、理能成事、事忏精诚、理方明显、理事圆融、是真忏悔、

見 惑 八 十 八 使

三十 欲界 二使 色界 二十 八使 无色界 二使

苦 集 滅 道 苦 集 滅 道 苦 集 滅 道

具 諦 具 諦 具 諦

十使 具足	七使 戒取中除身見	七使 戒取中除身見	八使 戒取中除身見	九使 戒取中除身見	六使 戒取中除身見	六使 戒取中除身見	七使 戒取中除身見	九使 戒取中除身見	六使 戒取中除身見	六使 戒取中除身見	七使 戒取中除身見
十使 中除身見	七使 中除身見	七使 中除身見	八使 中除身見	九使 中除身見	六使 中除身見	六使 中除身見	七使 中除身見	九使 中除身見	六使 中除身見	六使 中除身見	七使 中除身見
十使 中除身見	七使 中除身見	七使 中除身見	八使 中除身見	九使 中除身見	六使 中除身見	六使 中除身見	七使 中除身見	九使 中除身見	六使 中除身見	六使 中除身見	七使 中除身見
十使 中除身見	七使 中除身見	七使 中除身見	八使 中除身見	九使 中除身見	六使 中除身見	六使 中除身見	七使 中除身見	九使 中除身見	六使 中除身見	六使 中除身見	七使 中除身見

五

使 利

。 十使

五

使 鈍

邪見 見取 戒取 身見 邊見

九 不信三寶 聖果妄計 凡夫外道 工得益實 妄計出世 行非出因 外道無益 執一因我 有起見 無起見 斷常

使 二 見 除 道 滅 切 具 苦 八 八

瞋 不 上 二 諦 三 集 一 下 日 使 十

疑 慢 癡 瞋 貪

信 諸 持 心 諸 而 心 而 心

不 法 已 不 法 生 生 於

決 事 本 明 事 瞋 愛 順

定 理 領 了 理 患 境 境

輕 利 分 遇 沉 鈍 難 遇

炎 使 別 境 滯 使 著 境

如 故 輒 如 故 輒

火 道 生 水 道 生

五趣杂居地九品思惑

九品

欲界

思惑

离生喜乐地

定生喜乐地

离喜妙乐地

舍念清净地

空无边处地

识无边处地

无所有处地

非非想处地

各具九品思惑

各具九品思惑

八地各具

上上品 上中品 上下品 中上品 中下品 下上品 下中品 下下品

上上品 上中品 上下品 中上品 中下品 下上品 下中品 下下品

贪瞋慢

三界共成八十一品贪瞋痴慢之思惑上二界除瞋

贪痴慢

欲界惑粗、上三界逐地渐细、乃至非非想天、惑虽极细、然则九品所然可见、故三界九地、共有八十一品、粗细思惑烦恼、招三界生死、若断此惑尽、则断三界生死、证阿罗汉果矣。见惑从解得名、以证初果见真理时所断故。思惑从修得名、以证初果后、重修真谛之道时渐断故。又执已见解曰见惑、爱思染曰思惑。又心想纷飞属见惑、如火升随故。纷飞而着即思惑、如水下沉故。

二种

分段生死

三界内

之生死

三界六道、各有身分段落不同、以六道之身、俱是四大所成、身形分隔、众苦逼迫、命尽则散。又随业感、苦报无穷。纵生天道、身净无碍、无非见思惑业所感、因十善及世间禅定精进、暂得清静、福尽苦生。又无色界纵得无身、但无业果身、非无定果身、因定力绵密、只伏见思而未破、暂感无身、寿八万大劫、有福尽者尚作飞狸。噫、此方言天仙者、不过欲天而已、安能知此万一哉。故见思未断、分段生死不休、则轮迴无穷矣、

生死

变易生死

三界外

之生死

因移果易、捨所住位、谓菩萨因地所修、破一分惑、明一分智、即变生灭之妄想、易为无生之真心也。

三惑是造业、之因二死是受苦之果、因惑造业、由业感果、惑者由一念妄动、则念念逐境而迷、既迷而念念动处、俱成善恶诸业、既有诸业、必受苦乐之果、是故终日妄想不停、则果报生死无穷、弥勒云、一弹指顷、有三十二亿百千念、念念成形、一形必受一果、若断一念、则少一形、自此渐渐清静可期矣。且惑有轻重、故分三惑以定凡圣位次。盖见思惑、招三界内分段生死。

尘沙惑、无明惑、招界外变易生死。断见思惑、则不受分段生死、出三界、得偏真理、为声闻缘觉之二乘。断尘沙、为权乘菩萨。分断无明、为法性菩萨。断无明尽、为无上佛果。

宋、西夏、护国仁王寺、金刚法师不动集。

宋、正统也。太祖姓赵、名匡胤、洛阳人、仕周至归德军节度使殿前都点简、后陈桥兵变、为将士所推、遂受周禅而有天下、都汴梁、为北宋。至钦宗有九主、而徽钦二宗被金所执而北、钦宗弟康王趣南京即位是为高宗。又惧金兵、奔临安建都是为南宋、七主而国亡。西夏者、以唐初西北边部拓跋氏来降、唐末拓跋思恭镇夏州、平黄巢有功、赐姓李、为夏绥节度使、世袭其职、至石晋以后、未尝入觐。迄宋太宗时、李继捧献夏银绥宥四州之地、又陈诸兄弟怨怵愿留京师、赐姓赵名保忠、赐夏绥银宥密五州使、真宗时捧弟继迁来降、赐姓赵名保吉、授银州观察使、寻叛、其孙元昊善用兵、自称帝国号曰夏、即西夏也。自来降叛无定、宋仁宗用韩琦、范仲淹经略、陕西边境稍安、岁约二十五万以和、后至理宗时为北朝大军所灭、西夏遂亡。护国仁王寺、在夏州。金刚是瑜珈五部之一。

详四方不动是法师之名、师西域人、修四佛图

金剛部功熟、将此法宏传也。既而达夏、为国主所重、常诵护国仁王经甚灵、以护国佑民、夏主命其寺额曰护国仁王。师依三十五佛名经、礼忏文、前增五十三佛、后缀普贤十大愿偈、共成一百八礼、期断百八烦恼也。蒙山文亦师所集。呜呼近千年来以及后世、海内禅林庵院、皆遵为常课、然则师之功勋厚德、岂可思议哉。

○大文分四、初赞礼诸佛身心功德、二皈依三宝发大乘心、三忏悔过愆陈所作善、四普发大愿回向佛果、今、初

大慈大悲愍众生。大喜大舍济含识。相好光明以自严。众等志心皈命礼。

初二句赞佛心、三句赞佛身、四句众等皈依也。慈悲喜舍、名四无量心、以此四心俱周法界故曰大。谓佛慈随机广说诸法、遍与涅槃之乐、曰大慈。遍拔生死之苦曰大悲。凡众生得益、佛随欢喜、曰大喜。无恶不舍、无善不施、曰大舍。又佛具三缘慈悲、故曰大慈大悲。性绝

喜舍、而无不喜舍、故曰大喜大舍。四心之大、大而无外、竖穷三际、横亘十方、故曰四无量心。愍者怜愍。济者济度。众生者、众法相生、谓此身从父、母、己、三因缘和合而生。又是五阴假合而有、既有此身、则生灭不停、故曰众生。五蕴详心经图。含识者、世界中自天及人、下至禽兽蜎飞蠕动、凡能动者皆含灵识。故曰含识。相好光明者、佛现大小身相、皆具威德光明。随机所现、具有三品相海、三品尊特。至心者一心也。皈命礼者、不动法师集此全文、原作一百八拜、表除百八烦恼故、非今诸方唯跪诵而已。

三品相海

约相

上品与

十莲华藏
微尘相好

中品与

八万四千
千相好

下品与

三千二百
八十种好

三品尊特

约教

上品与

法华三十二相、相好
达无边表、亦即法身。

中品与

观经八万
四千相好。

下品与

华严树下下境本定
身现起卢舍那相。

一 百 八 十 礼

初四句偈一礼
金刚上师一礼
皈依佛法僧三句一礼
我今发心至三菩提一礼
尽虚空一切诸佛一礼
尽虚空一切尊法一礼
尽虚空一切贤圣僧一礼
如来十号一礼
八十九佛八十九礼
如是等至今皆忏悔一礼
今诸佛世尊至我今皈命礼一礼
所有十方世界中八句一礼
於一尘中尘数佛八句一礼
以诸最胜妙华鬘十二句一礼
我昔所造诸恶业四句一礼
十方一切诸众生四句一礼
十方所有世间灯四句一礼
诸佛若欲示涅槃四句一礼
所有礼赞供养福四句一礼
愿将以此胜功德十六句一礼

